



كوڤراسي ڤورو ملايو كلنتن برحد

KOPERASI GURU MELAYU KELANTAN BERHAD

**CATATAN MINIT
MESYUARAT AGUNG KAWASAN
PASIR MAS**

**TARIKH : 30 MAC 2019
TEMPAT : SEK MEN KEB TENDONG
MASA : 2.00 PETANG**

**ATURCARA
MAJLIS MESYUARAT AGUNG KAWASAN**

- 09.00 Pagi : Pendaftaran
- 10.00 Pagi : Majlis dimulakan dengan bacaan ayat-ayat suci al – qur’an dan bacaan doa.
- : Ucapan Pengerusi Lembaga
- 10.30 Pagi : Mesyuarat dimulakan mengikut agenda.
1. Memilih seorang Pengerusi Mesyuarat.
 2. Memilih seorang Setiausaha Mesyuarat.
 3. Menerima dan mengesahkan Minit Mesyuarat Agung Kawasan Kali Ke-12.
 4. Menimbang Laporan Lembaga 2018.
 5. Memilih Anggota Perwakilan ke Mesyuarat Agung Perwakilan Tahunan kali ke- 23 tahun 2018.
 6. Menimbang draft akaun atau jika ada akaun teraudit Koperasi Berakhir 31 Disember 2018.
 7. Menimbang belanjawan tahunan bagi tahun 2020 semakan 2019 untuk dibentang dalam Mesyuarat Agung Perwakilan kali ke-24 Tahun 2019.
 8. Menimbang cadangan pindaan kepada Undang – Undang Kecil dan Aturan – Aturan Aktiviti Koperasi jika ada.
 9. Menimbang dan meluluskan usul daripada Lembaga dan Anggota Koperasi, jika ada, yang diterima tujuh (7) hari sebelum tarikh Mesyuarat Agung Kawasan.

**CATATAN MINIT MESYUARAT AGUNG KAWASAN
KAWASAN PASIR MAS**

Tarikh : 30 Mac 2019
Tempat : Sek. Men. Keb. Tendong, Pasir Mas
Masa : 2.00 petang

2. Kehadiran :

2.1 Pengerusi Lembaga : Hj. Ab Kadir b Ya'acob
Setiusaha Lembaga : Hj. Mohd Razali b Hj. Bakar
Timb. Pengerusi : Hj. Che Husin b Che Soh
Timb. Setiausaha : En. Mohd Zin b Halim
ALK : En. Asmadi b Omar
:Tn. Hj. Mohd Rofi b Mohd Zain
: En. Muhammad Nor b Ishak
: Tn. Hj. Yahaya b Isa
: En. Mohamed Zahari b Mohamed Zain
: Tn. Hj. Ghazali b Jusoh
: En. Mohd Fadzil b Che Saleh
: Tn. Hj. Ismail b Salleh

JAD : Pn. Hjh. Zubaida bt Ibrahim
: En. Megat Shariman b Mohd Hashim
: En. Kamaruzaman b Hj. Daud

2.2 Anggota : 445 orang

3. UCAPAN Pengerusi Lembaga

Oleh : **Hj Abd Kadir bin Yaacob**
Pengerusi
Koperasi Guru Melayu Kelantan Berhad

Yang dimuliakan saudara Pengacara Majlis,
Yang dihormati ALK, JAD dan Warga Pengurusan,
dan anggota Kawasan Pasir Mas.

Syukur ke hadrat Illahi kerana kita semua diberikan kesihatan yang baik dan dapat bersama-sama pada pagi ini.

Saya mengucapkan ribuan terima kasih kepada Pengetua dan pihak pengurusan SMK Tendong yang memberi kebenaran kepada koperasi menggunakan dewan sekolah ini pada hari ini.

Saya dan semua ALK serta JAD merakamkan jutaan terima kasih kepada semua anggota Kawasan Pasir Mas ini kerana dapat bersama-sama hadir pada pagi ini termasuklah kepada anggota yang telah bersara tetapi masih kekal menjadi anggota. Untuk pengetahuan semua, pada hari ini juga iaitu pada jam 9.00 pagi tadi telah berlangsung MAK bagi Kawasan Kota Bharu 1 di Bahagian Pendidikan Teknologi Pendidikan (BTPN).

Mesyuarat Agung Kawasan adalah mesyuarat yang diadakan dua tahun sekali dan mesyuarat agung perwakilan mungkin akan diadakan pada bulan Jun atau Julai nanti.

Sepatutnya semua anggota hadir ke mesyuarat agung kawasan ini kerana di dalam mesyuarat inilah pihak koperasi akan menyampaikan segala maklumat terkini mengenai koperasi termasuklah aktiviti-aktiviti koperasi. Beliau tidak mahu anggota terlepas pandang pelbagai kemudahan yang diberikan kepada anggota.

Di dalam MAK ini juga, anggota diberikan peluang untuk memberi pandangan dan cadangan.

Koperasi pada hari ini sudah mencapai usia 79 tahun dan kini berada pada tahap yang membanggakan.

ALK telah berikrar yang koperasi akan ditadbir oleh ALK dan Eksekutif yang berintegriti, amanah, jujur dan bertanggungjawab dalam melaksanakan tugas.

Tujuan mesyuarat agung kawasan ini adalah untuk memberi maklumat dan perkembangan terkini koperasi kepada anggota. Saya sangat berharap cadangan dan teguran yang membina daripada anggota.

Tuan/Puan yang dihormati,

Kejayaan yang telah dicapai adalah koperasi pada hari ini adalah masih lagi koperasi yang hebat yang mana berada di tangga ke 48 daripada 100 koperasi terbaik di Malaysia daripada lebih kurang 13,000 koperasi di seluruh Malaysia. Manakala koperasi kedua terbaik di Negeri Kelantan. Beliau memberitahu antara kriteria yang dipilih adalah aset koperasi yang melebihi RM50 juta, perniagaan sentiasa mencapai keuntungan dan juga berkebakjikan. Untuk

pengetahuan anggota semua, aktiviti yang terbesar koperasi adalah kebajikan kepada anggota melalui tabung-tabung yang disediakan seperti TKA dan juga KWBD.

Prestasi kewangan koperasi sekarang yang mana jumlah aset sebanyak RM89 juta, modal syer RM2.5 juta, modal yuran RM55 juta. Manakala keuntungan bagi tahun 2018 sebanyak RM3.4 juta berbanding keuntungan pada tahun 2017 sebanyak RM2.9 juta. Manakala pembayaran dividen kepada anggota pada tahun ini adalah sebanyak 4.1%.

Untuk pengetahuan semua anggota, jumlah peminjam sepanjang tahun 2018 ialah seramai 915 orang sahaja. Jumlah ini sangat rendah berbanding tahun-tahun sebelumnya. Oleh itu, pada tahun ini koperasi telah bersetuju untuk mengadakan promosi pinjaman iaitu peratusan faedah sebanyak 3.0% sahaja. Saya berharap dengan promosi yang diadakan ini dapat menarik semua anggota untuk membuat pinjaman dengan koperasi.

Untuk makluman tuan/puan semua, perniagaan Ar-Rahn telah mempunyai tiga cawangan iaitu di Kota Bharu (Jalan Kebun Sultan), di Melor (Bangunan Arked MARA, Melor) dan di Tumpat (Bangunan Arked MARA Chabang Empat) yang mana ketiga-tiga perniagaan tersebut turut menyumbangkan keuntungan yang tinggi kepada koperasi. Koperasi dalam cadangan membuka cawangan keempat Ar-Rahn di Machang.

Tuan/Puan yang dihormati,

Kedai Tayar milik koperasi ini sebenarnya sudah sekian lama beroperasi, namun hanya orang luar atau bukan anggota yang hadir untuk mendapatkan perkhidmatan baiki dan servis kereta di kedai tayar tersebut. Untuk pengetahuan semua anggota yang hadir, kedai tayar ini diwujudkan untuk menjaga kebajikan semua anggota yang mana anggota boleh membuat penukaran tayar kereta dan membaiki kereta dengan bayaran secara ansuran iaitu melalui potongan gaji.

Selain itu, Koperasi kini telah menambah satu lagi bidang perniagaan iaitu dalam bidang perhotelan. Koperasi telah mengambil alih bangunan yang disewa oleh Hanis Villa Hotel dan membuka hotel sendiri dengan nama Diamond Hotel. Kedudukan hotel ini sangat strategik kerana lokasinya di tengah-tengah Bandar Kota Bharu serta berdekatan dengan kemudahan-kemudahan awam seperti bank, hospital, terminal bas, kedai-kedai, pasaraya dan sebagainya.

Semua anggota juga disarankan untuk menginap dan mengadakan aktiviti seperti kursus dan seminar di hotel milik Koperasi ini. Anggota akan diberikan diskaun istimewa sekiranya menginap dan menyewa dewan di Diamond Hotel.

BGSB merupakan anak syarikat Koop Guru yang menyediakan kemudahan belian barangan seperti motosikal, perabot, komputer, telefon bimbit dan sebagainya. Semua anggota boleh mendapatkan barangan tersebut di kedai-kedai panel yang telah dilantik. Selain itu, BGSB juga menyediakan pakej umrah. Saya berharap semua anggota dapat menyokong semua aktiviti yang disediakan oleh BGSB.

Sebelum saya mengakhiri ucapan pada hari ini, saya ingin menyampaikan satu berita baik iaitu setiap anggota yang berjaya membawa masuk anggota baru akan menerima insentif sebanyak RM50.00 bagi setiap anggota baru yang baru mendaftar.

Tuan/puan sekalian,

Akhir sekali, saya ingin mengucapkan terima kasih kepada pihak sekolah terutamanya Tuan Pengetua kerana telah bersetuju untuk jadikan SMK Tendong sebagai tempat untuk Mesyuarat Agung Kawasan Pasir Mas. Saya juga berharap semua anggota dapat memahami segala maklumat yang telah saya sampaikan pada hari ini.

Sekian sahaja dari saya. Dengan ini saya merasmikan MAK Pasir Mas pada hari ini dengan lafaz Bismillahirrahmanirrahim.

Selamat bersidang.

AGENDA

AGENDA 1 : Memilih seorang Pengerusi Mesyuarat

- 1.1 Pengacara Majlis menjelaskan Pengerusi Mesyuarat Agung Kawasan ini hendaklah dipilih oleh majlis mesyuarat dari kalangan anggota koperasi yang hadir.
- 1.2 Hj Mohd Zuki b Abd Rani (011498) mencadangkan Hj. Jamaluddin b Yusoff (005473) sebagai Pengerusi Mesyuarat, disokong oleh En. Amran b Ghani (008272).

Keputusan : Mesyuarat bersetuju sebulat suara.

AGENDA 2 : Memilih seorang Setiausaha Mesyuarat

- 2.1 Pengacara Majlis turut menjelaskan bahawa seorang Setiausaha Mesyuarat juga perlu dipilih oleh majlis mesyuarat dari kalangan anggota koperasi yang hadir.
- 2.2 En. Amran b Ghani (008272) mencadangkan Hj Mohd Zuki b Abd Rani (011498) sebagai Setiausaha Mesyuarat, disokong oleh Hj. Zakaria b Hamzah (005285).

Keputusan : Mesyuarat bersetuju sebulat suara.

AGENDA 3 : Menerima dan Mengesahkan Minit Mesyuarat Agung Kawasan Kali Ke -12/2018

- 3.1 Pengerusi Mesyuarat meminta Setiausaha Lembaga untuk membentangkan Minit Mesyuarat Agung Kawasan Kali ke-12/2018.
- 3.2 Tn. Hj. Mohd Razali b Hj. Bakar selaku Setiausaha Lembaga membentangkan Minit Mesyuarat Kawasan Agung Kali ke-12/2018 untuk diterima dan disahkan dari muka 1 hingga 11.
- 3.3 En. Mohd Suhaimi b Abdul Rahman (010831) mencadangkan Minit Mesyuarat Agung Kawasan Kali Ke-12/2018 diterima dan disahkan, disokong oleh Hj. Zakaria b Hamzah (005282).

Keputusan : Mesyuarat bersetuju sebulat suara

AGENDA 4 : Menimbang Laporan Lembaga 2018

- 4.1 Pengerusi Majlis meminta Setiausaha Lembaga membentangkan draf Laporan Lembaga bagi tahun 2018.
- 4.2 Haji Mohamad Razali b Haji Bakar, Setiausaha Lembaga membentangkan draf Laporan Lembaga bagi tahun 2018 bermula muka surat 12 hingga 48.

- 4.3 Hj. Zakaria b Hamzah (005282) mencadangkan laporan tahun 2018 diterima dan disahkan, disokong oleh En. Che Zakaria b Mahmud (006702).

Keputusan : Mesyuarat bersetuju sebulat suara

AGENDA 5 : Memilih Anggota Perwakilan ke Mesyuarat Agung Perwakilan Tahunan ke 24/2019

AGENDA 5 iaitu **Memilih Anggota Perwakilan ke Mesyuarat Agung Perwakilan tahunan Ke-24/2020** telah dipinda ke **AGENDA 9** dan **AGENDA 6** menjadi **AGENDA 5** iaitu **Menimbang Draf Akaun atau jika ada Akaun teraudit Koperasi berakhir 31 Disember 2018.**

AGENDA 5 : Menimbang draf akaun atau jika ada akaun teraudit Koperasi berakhir 31 Disember 2018.

- 5.1 Pengerusi Mesyuarat meminta wakil Bendahari Koperasi untuk membentangkan draf akaun bagi tahun berakhir 31 Disember 2018.
- 5.2 En. Asmadi b Omar selaku Timbalan Bendahari Koperasi membentangkan draf akaun Koperasi berakhir 31 Disember 2018 dari muka surat 1 hingga 15.
- 5.3 Hj. Amran b Ghani (008272) mencadangkan draf akaun Koperasi bagi tahun berakhir 31 Disember 2018 diterima dan disahkan, disokong oleh Pn. Norli bt Mohammad (014645).

Keputusan : Mesyuarat bersetuju sebulat suara

AGENDA 6 : Menimbang Belanjawan Tahunan Bagi Tahun 2020 Semakan 2019 Untuk Dibentang Dalam Mesyuarat Agung Perwakilan Kali Ke-24/2019

- 6.1 Pengerusi Mesyuarat meminta Timbalan Bendahari untuk membentang belanjawan tahunan bagi tahun 2020 dan semakan belanjawan 2019 untuk dibentang dalam Mesyuarat Agung Perwakilan kali ke 24/2019.
- 6.2 En. Asmadi b Omar membentangkan belanjawan tahunan bagi tahun 2020 dan semakan 2019 untuk dibentangkan dalam Mesyuarat Agung Perwakilan kali ke-24/2019 dari muka surat 16 hingga 23.

Keputusan : Mesyuarat bersetuju sebulat suara

AGENDA 7 : Menimbang cadangan pindaan kepada Undang-undang Kecil dan Aturan-aturan Aktiviti Koperasi jika ada.

- 7.1 Pengerusi Mesyuarat meminta Setiausaha Lembaga membentangkannya.
- 7.2 Setiausaha Lembaga memaklumkan tiada cadangan pindaan kepada Undang-undang Kecil dan Aturan-aturan Aktiviti Koperasi untuk dibentangkan.

AGENDA 8 : Menimbang dan meluluskan usul daripada Lembaga dan Anggota Koperasi, jika ada, yang diterima tujuh (7) hari sebelum tarikh Mesyuarat Agung Kawasan.

- 8.1 Pengerusi Mesyuarat meminta Setiausaha Lembaga membentangkannya.
- 8.2 Setiausaha Lembaga memaklumkan tiada usul diterima dalam tempoh tujuh (7) hari sebelum Mesyuarat Agung Kawasan.

AGENDA 9 : Memilih Anggota Perwakilan ke Mesyuarat Agung Perwakilan kali ke 24/2019

- 9.1 Pengerusi Mesyuarat meminta Jawatankuasa Pemilihan untuk memberi penerangan tentang cara pemilihan dan tatacara pemilihan.
- 9.2 En. Mohd Zin b Halim, Pengerusi Jawatankuasa Pemilihan mengumumkan tiada pertandingan untuk pemilihan Anggota Perwakilan ke Mesyuarat Agung Perwakilan Tahunan kali ke 24/2019 kerana bilangan calon yang bertanding hanyalah seramai 24 orang dan calon yang menghantar borang tidak melebihi bilangan calon yang sepatutnya.
- 9.3 En. Mohd Zin juga memaklumkan, walaupun tiada pertandingan, calon-calon perlu tampil ke hadapan untuk sesi memperkenalkan diri. Calon yang namanya dipanggil sebanyak tiga kali dan tidak hadir ke hadapan secara automatik pencalonannya terbatal. Calon-calon adalah seperti berikut :

NO CALON	NO ANGGOTA	NAMA	ALAMAT
1	010831	MOHD SUHAIMI B ABDUL RAHMAN	SK BECHAH KELUBI
2	006702	CHE ZAKARIA B MAHMUD	LOT 748 KG HUJUNG SEMUBA, CHETOK, P.MAS
3	008592	HAJI AHMRAN B SAFIAN	SMK TANJONG BUNGA
4	011498	HJ MOHD ZUKI B ABDUL RANI	SK LUBOK SETOL
5	007358	OTHMAN B MAT ZIN	SK OTHMAN TALIB 1
6	006965	ABDUL GHANI B ISMAIL	VILLA CINTA BERSEMI PT 46 KG. LATI, PASIR MAS
7	004512	FAUZI B CHE MOOD	LOT PT 46 ANJUNG SERI MAS, KUBANG PANJANG, P. MAS
8	007203	ABDUL RAZAK B MAT	SK SULTAN IBRAHIM 2

9	007511	ZULKIFLI B ISMAIL	SK KEPAS
10	009578	MOHD ZAIN B YUSOFF	SK OTHMAN TALIB 2
11	005473	JAMALUDIN B YUSOFF	PT 209 TAMAN SRI AMAN KG PAUH, PASIR MAS
12	015074	AZAMAN B IBRAHIM	SK BAROH PIAL
13	008272	AMRAN B GHANI	SMK GUAL PERIOK
14	005285	HJ ZAKARIA B HAMZAH	LOT 1086 TAMAN MUHIBBAH, JLN MASJID LATI, PASIR MAS
15	013895	HJ MASRI B MAHMUD	SK RANTAU PANJANG
16	010563	MOHD ZAEN B CHE MAN	NO 2412 LORONG TASEK PUTERA EMPAT, KG. KUBANG PANJANG, PASIR MAS
17	007615	MOHAMAD NAWAWI B MAT SALLEH	SK TANJONG BUNGA
18	007374	BADUNI BT AB HAMID	SK CHABANG TIGA CHETOK
19	013587	ZAKARIA B DERIS	SK SULTAN IBRAHIM 3
20	011138	AFANDI B CHE ABDULLAH	PPD PASIR MAS
21	010538	MOHD ROZI B MAT NOR	PPD PASIR MAS
22	009456	MOHAMMAD RAZUKI B DERAHMAN	PPD PASIR MAS
23	013282	MOHD ZAKI B MAMAT	SK TANJONG CHENAK
24	009066	LUTPI AMIR B OTHMAN	SK PENGGU

- 9.4 En. Mohd Zin menjelaskan bahawa calon no 6 iaitu Hj. Abdul Ghani b Ismail (006965), calon no 15 Hj Masri b Mahmud (013895), calon no 17 En. Mohamad Nawawi b Mat Saleh (007615) dan calon no 22 En. Mohammad Razuki b Derahman (009456) tidak dapat hadir pada hari ini di atas sebab-sebab yang tidak dapat dielakkan dan mereka telah memaklumkan melalui surat rasmi kepada Jawatankuasa Pemilihan mengenai perkara tersebut.
- 9.5 Anggota koperasi sebulat suara menerima calon no 6, no 15, no 17 dan no 22 serta kesemua 24 orang calon adalah menang tanpa bertanding.

Keputusan : Majlis mesyuarat bersetuju sebulat suara.

PENCATAT MINIT :


1. Pn. Wan Rosnida bt Wan Ibrahim
2. Cik Syuraidah bt Mat Larak @ Mat Zaid

TANDATANGAN PENGERUSI MESYUARAT:



.....
HJ JAMALUDIN B YUSOFF (005473)

TANDATANGAN SETIAUSAHA MESYUARAT:



.....
HJ MOHD ZUKI B ABDUL RANI (011498)